

Reina Infantil y Hubenil di Aruba su Carnaval 62 a keda corona

Den un Aruba Entertainment Center completamente yen, e candidata di Champagne Carnival Group, Layevska Farro a keda corona como Reina Infantil di Aruba su Carnaval 62 y e representante di distrito di San Nicolas, Rudyanne Lejuez a bai cu e titulo di Reina Hubenil. Dos candidata cu sigur a haci nan maximo esfuerzo riba escenario y a demonstra un bon preparacion. Tur 9 participante a sa di gana e curason di e publico presente cu nan show, speech y trahenan impresionante. Ta bunita pa mira con Aruba a sali riba pia pa atende e evento aki y asina apoya nos talentonan infantil y hubenil.

E resultado di e grandioso anochi aki pa e categoria infantil ta lo siguiente: 1st Runner Up: Amalia Niebles Diaz – TOB Carnival Group Little Princess of Setar: Ysabella Letang - San Nicolas / Grupo Nos Futuro Premio L'oreal Paris - Best Make Up: Ezahayra Arteaga – Noord Premio Mas Popular: Amalia Niebles Diaz – TOB Kids Carnival

Group Best Speech: Ezahayra Arteaga – Noord Best Show: Layevska Farro - Champagne Carnival Group Best Costume: Layevska Farro - Champagne Carnival Group

Y den categoria hubenil a resulta e siguiente ganadornan: 1st Runner Up: Alviana Arends - North Fantasy Carnival Group Youth Queen of Setar: Rudyanne Lejuiz - San Nicolas Premio L'oreal Paris - Best Make Up: Cindy Erasmus - TOB Carnival Group Premio Mas Popular: Edeliene Colina - Savaneta y Aruban Colors Carnival Group Best Speech: Rudyanne Lejuez - San Nicolas

Best Show: Rudyanne Lejuiz - San Nicolas Best Costume: Alviana Arends - North Fantasy Carnival Group

E comision organisador pa loke ta trata eleccionnan di Reina a haci un tremendo trabow cu e decoracion di escenario y a hinka un tremendo show den otro. Sigur mester gradici tur persona, colaborado

y voluntario cu a haci e anochi posibel, for di choreografonan, makiyadonan, tecnonan te cu e maestro di ceremonia y artistanan cu a entretene e publico presente.

E siguiente eleccion di reina lo ta riba diabierna, 22 di januari na unda nos Reina Grandi y Sra. Carnaval pa 2016 lo keda elegi. E proximo evento pa nos muchanan y hobennan ta e Tumberito Festival tumando lugar riba diadomingo, 17 di januari na Aruba Entertainment Center. Pa tur informacion relata na actividadnan di Carnaval, por bishita e Facebook page di SMAC of acudi na SMAC su oficina na Weststraat 7, tel. 583-1800.

Un danki special ta bai na tur miembro di prensa y media cu ta yuda engrandece nos Carnaval pa medio di nan publicacionnan. Tambe na e patrosinadornan oficial di Aruba su Carnaval 62: Aruba Tourism Authority, Aruba Airport Authority, Aruba Airlines, Aruba Bank, Setar y Romar Trading.